

Misterio de Pésah

Djoha estuvo kumbidado en la noche del Séder por la famiya de la novia. Después ke eskparon el Séder i ya estava kaje dodje de la noche, kijoDjohá irse a su kaza.

Ensupitó, kuando avrió la puerta, vido ke estava abashando una luvia fuerte.

Disho Djohá :

- Komo me v'a ir yo agora a kaza ? Me v'azer pipas !

Disho la madre de la novia :

- Addió,Djohá, kédate a durmir akí, para ke no te agas hazino !

- Bueno ! disho Djohá, muy kontente.

Suvieron arriva la madre, la nona i la novia a atakanarle la kama.Metieron savanás blankas brodadas, un kavesal ermozo i una kolcha maraviyoza.

Abasharon las tres abasho a la sala, para dizirle a Djohá ke la kama ya está pronta.

Lo bushkaron, lo bushkaron... No sta ! No sta en la sala, no sta en la kuzina...no sta en dingún lugar.

Disheron :

- Ande se desparesió este Djohá ?

En avlando ansina, oyeron una bateada en la puerta.

- Ken será a esta ora ? disheron.

Avrin la puerta i kualo veen ? ADjohá entero mojudos pipas.

Le disheron :

- Kualo es esto, Djohá ? Ande estuvites ?

Les disho Djohá :

- E, me fui a kaza a traer la pijamá !

Le mystère de Pessah

Djoha fut invité par la famille de sa fiancée pour la soirée pascale. Une fois le seder terminé, alors qu'il était presque minuit, Djoha voulu rentrer chez lui.

D'un seul coup en ouvrant la porte il vit que tombait une pluie battante.

Djoha se dit :

- Comment rentrer dans de telles conditions ? Je vais me mouiller jusqu'aux os !

La mère de sa fiancée lui dit :

- Dieu du ciel Djoha, reste donc dormir ici pour ne pas prendre froid !

- Parfait ! répondit Djoha ravi.

La mère, la grand-mère, la fiancée montèrent lui préparer le lit. Elles mirent des draps blancs brodés, une belle taie et un magnifique couvre-lit. Elles redescendirent prévenir Djoha que le lit était prêt.

Elles se mirent à le chercher, et à le chercher encore...

Introuvable ! Ni dans le salon, ni dans la cuisine...nulle part.

Elles se demandèrent :

-Mais où Djoha peut-il bien être passé?

Tout en parlant, elles entendirent toquer à la porte et se demandèrent :

- Qui cela peut-il être à cette heure-ci ?

En ouvrant, qui était derrière la porte ? Djoha trempé jusqu'aux os.

Elles lui demandèrent :

-Mais qu'est-ce que c'est que ça, Djoha ? Où étais-tu passé ?

Djoha de répondre :

- J'étais allé chercher mon pyjama !